



Awenochi Edjean Semeleer ta lanza su tema promocional nobo

Awenochi den e edicion di “Na Drempe di Fin di Aña” e cantante di temanan popular manera “Ta Navidad, Den Paranda, Bus di Alegria, Yen di Energia” y hopi mas, e hoben cantante y talentoso Edjean Semeleer lo lanza su tema promocional p’e temporada di fin di aña 2006.

Y no mucho dia despues, riba diarason 18 October e lo pone su produccion oficialmente riba mercado!

Den e combersacion cu SHW-BLK a sostene cu Edjean e la duna di conoce cu e produccion di e aña aki ta uno completamente diferente na esnan anterior. Asina ta cu un biaha mas Edjean lo bai muestra su abilidad como cantante y productor di su mesun produccionnan.

Ora nos ta papia di Edjean Semeleer nos ta papiando di e sinonimo di un produccion di calidad y cu musiconan profesional su tras. Aki SHWBLK tin cu menciona figuranan manera “El Principe” Hildward Croes, e soberano Maikel Lugo, e multitalentoso Papito

Rafael, e saxofonista di ora Delbert Bernabela, e productor, ingeniero di sonido y musico Ivan “Quanchi” Quandus, e inquieto Juan Carlos Petit, El maestro Doodle Sophia y hopi mas.


E tema promocional cu Edjean ta lanzando awe ta un composicion di e pen di diamante di Felix



Chucho lo presenta e tema nobo aki di Edjean cu porcierto a muestra di ta e combinacion perfecto di fin di aña!

Tur e grabacionnan a tuma luga den IQ Music Lab y mirando cu Edjean semper ta sorprende tur hende aña tras aña cu su produccionnan...mas ainda e expectativa ta crece pa scucha y tende e tema promocional y e produccion completo p’e temporada nobo di fin di aña.

Henter comunidad ta invita pa scucha e prome edicion di “Na Drempe di Fin di Aña” awenochi pa ta testigo di e lanzamiento di e tema di Edjean Semeleer! Y prepara’bo pa e produccion completo cu ta na caminda...



“Chucho Hoek”. Un compositor respeta pa hopi aña pa su creatividad y fantasia inmenso cu e ta posee. Aña pasa Chucho a pone un toque diferente of te hasta nos por bisa a duna Edjean un dimension diferente den su produccion cu un excelente tema pegahoso titular “Yen di Energia” cu porcierto ta un tema original.

Y no por laga’fo e adaptacion cu el a haci cu e temanan existente di e gruponan di Maracaibo manera “Bus di Alegria”.

Tema cu porcierto a posiciona su mes n’e Puesto di Honor den e Top Oficial di Pasco di 2005.

Cu tur e credencialnan aki nos ta masha ansioso pa scucha y tende cu ki fantasia y creatividad

